



Aplikim për vizë me qëllim frekuentim shkolle / shkëmbim nxënësish në Gjermani

Lutemi të lexoni me kujdes këtë fletë-informacioni dhe formularin e aplikimit dhe përmbajuni saktësisht udhëzimeve.

Aplikimet e plotësuara në mënyrë të mangët apo dokumentacioni i paplotë mund të çojnë në refuzimin e aplikimit. Si pasojë do të nevojitet rezervimi i një date të re aplikimi përfshirë periudhat përkatëse të pritjes.

Në rastin e aplikimit për vizë Ambasada duhet të përfshijë në procedurë zyrën përkatëse për të huajt në Gjermani. Për këtë arsye procedurat zgjasin zakonisht 8 deri në 12 javë, në raste të veçanta edhe më gjatë. Ndaj lutemi për mirëkuptimin Tuaj për faktin që brenda 8 javëve të para, prej ditës së aplikimit, nuk mund t'u japim përgjigje pyetjeve lidhur me stadin aktual të procedurës.

Përpara se të aplikoni për një vizë me qëllim frekuentimin e një shkolle / shkëmbim nxënësish në Gjermani, mbani në vëmendje udhëzimet e mëposhtme:

Për aplikimin ju nevojitet dokumentacioni në formën e përshkruar më poshtë:		
1.	Formularë aplikimi për vizë	Në gjermanisht ose anglisht, 2 copë , të plotësuara në mënyrë plotësisht të lexueshme, të nënshkuara personalisht.
2.	Tarifa	Tarifat dhe detyrimet duhet të paguhen kesh në monedhën shqiptare LEK . Tarifa është 75,00 Euro përlllogaritur me kursin aktual të këmbimit.
3.	Fotografi pashaporte	3 fotografi identike biometrike për pashaportë, jo më të vjetra se 6 muaj, me sfond të bardhë, madhësia 45x35 mm. Lutemi që në secilin prej dy formularëve të aplikimit të ngjisni nga një fotografi, ndërsa fotografinë e tretë silleni me vete si element të veçantë.
Dokumentat e mëposhtme duhen dorëzuar në origjinal, <u>me 2 fotokopje</u>, në momentin e aplikimit		
4.	Pashaporta	Me të paktën dy faqe bosh. Lutemi mbani në konsideratë që afati i vlefshmërisë së pashaportës duhet të jetë tre muaj më i gjatë se kohëzgjatja e vizës. Fotokopjoni ju lutem fletën e plastifikuar me të dhënat personale.
5.	Konfirmimi i pranimit në shkollë	Konfirmim i shkollës pritëse në Gjermani, sipas të cilit bëhet fjalë për një shkollë shtetërore apo të njohur nga shteti, apo për një shkollë e cila financohet pjesërisht apo tërësisht me fonde private, që përgatit nxënësit për përfitim të diplomave ndërkombëtare, apo diplomave të vendeve të tjera apo diplomave të njohura nga shteti

		dhe vecanërisht në rastin e shkollave me konvikt garanton një përbërje nxënësish me shtetësi të ndryshme.	
6.	Certifikatë lindjeje e nxënësit	Originali i certifikatës së lindjes. Certifikatat që nuk janë në gjuhën gjermane dhe nuk lëshohen sipas një formulari ndërkombëtar duhet të përkthehen dhe të pajisen me vulën apostille. Përkthimi duhet të jetë i noterizuar. Certifikatat shqiptare me formular ndërkombëtar NUK kanë nevojë të përkthehen, por duhet të mbajnë vulën apostille.	
7.	Ftesë e prindërve pritës, e të afërmit që jeton në Gjermani apo e konviktit përkatës	Ftesa duhet të pëmbajë një deklaratë për garantimin e strehimit dhe ushqimit.	
8.	Dëshmi për kujdesin / dakordësinë e prindërve lidhur me qëndrimin për shkollim në Gjermani	Deklaratë noteriale mbi dakordësinë e prindërve me qëndrimin e fëmijës në Gjermani dhe autorizimin e të afërmeve që jetojnë në Gjermani / familjes pritëse / shkollës për vendimmarrje lidhur me aspekte të jetës së përditshme të fëmijës. Certifikatat që nuk janë në gjuhën gjermane dhe nuk lëshohen sipas një formulari ndërkombëtar duhet të përkthehen dhe të pajisen me vulën apostille. Përkthimi duhet të jetë i noterizuar.	
9.	Dëshmi financimi	Dëshmi rreth pagesës së tarifës së shkollës DHE dëshmi për mjete financiare të mjaftueshme gjatë kohëqëndrimit për qëllim shkollimi në Gjermani (p.sh. deklaratë garancie e të afërmeve që jetojnë në Gjermani, deklaratë e shkollës për marrjen përsipër të shpenzimeve ose Llogari Bankare e Bllokuar)	
10.	Siguracion shëndetësor	Për të gjithë kohëqëndrimin është e domosdoshme të paraqitet një dëshmi siguracioni shëndetësor (siguracioni i udhëtimit nuk është i mjaftueshëm)	
11.	Nëse nevojitet: konfirmim i organizatës ndërmjetësuese rreth shkëmbimit të nxënësve apo konfirmim i shkollave në Gjermani dhe Shqipëri rreth shkëmbimit zyrtar të nxënësve	Konfirmimi i organizatës për shkëmbimin e nxënësve në Gjermani O s e Konfirmimi i shkollës dërguese në Shqipëri dhe asaj pritëse në Gjermani, që në këtë rast bëhet fjalë për një shkëmbim ndërkombëtar nxënësish, mbi bazën e një marrëveshjeje zyrtare.	

Në raste të veçanta, gjatë aplikimit apo procedurës së vizës, mund të kërkohen dokumenta të caktuara të papërmendura më sipër.

Klauzolë e përjashtimit nga përgjegjësia:

Të gjitha informacionet e mësipërme përcillen pa garancinë se janë të sakta apo të plota. Ato bazohen në stadin informativ të Ambasadës në momentin e hartimit të tyre.